

Dumq; iugatrices agitat securior artes,
Nescit Acidaliam se retulisse deam.

Nec procul inde uolans uirides examen ad herbas,
Mellifico Hybleum colligit ore thymum,

Cui seruata procax furatus mella Cupido,
Accipit articulis spicula fixa suis.

At simul ut tracto cepit tumuisse cruore,
Alterno terram mox pede plangit humum,

Impatiensq; mali tantas ciet ore querelas,
Vt quoq; nil matrem sciret adesse suam.

Quos tamen ut uelox iteratis uocibus Echo
Aduocat, extemplo præpes uterq; uenit.

Amoris o= HIC amor: aspice mater, ait, dulcissima, membris,
ratio. I. Quanta minuta meis uulnera fecit apis.

Veneris o= CUI genitrix: æqua istum, inquit, ser mente dolorem,
ratio. II. Iam quoq; non magnus uulnera magna dabis.

I, Bauarumq; tuis Osualdum sterne sagittis,
Qui tum nostra sequi, tum tua signa negat.

Nunc tamen exhibita capit imprudentior aure,
Euterpæ flatus, Therpsichoræq; fides.

Et cantata uagæ miratus gaudia turbæ,
Letus in exemplum, mox imitanda, trahit.

Fac tantum properes, geminatâq; spicula figas,
Ante Medusæas quam petat ille decas.

Et tu Boëoti mystes Heliconice montis,
Iunge maritales Nato, Hymenæe, faces.

HOC

HOC Amor assumpto, furiarum plenus in ignes,

Flammatasq; faces, telâq; acuta ruit.

Explicitisq; secans iactantior aëra pennis,

Depresso Monaca substitit urbe gradu.

Dumq; canit mensis Ecchides, fida, remotis,

Funera Thybæa sanguinolenta nece,

Incusatq; sitim, fontem, diramq; lænam,

Maxima participis signa doloris habens,

Ecce laborat Ecchiaci de culmine tecti

Haud procul assistens insidiosus Amor,

Aurea depromit pietæ duo tela pharetræ,

Et miscet tumida mox iacienda manu,

Alterâq; adducto iaculatus spicula cornu,

Osualdi ualido traiecit igne iecur:

Inq; Puellarem moderatior altera mentem

Missurus, leni temperat arma face.

Quam simul ac placido dimensus uerbere strinxit,

Summa relaturus gaudia, uictor abit.

AT Venus interea Coe se ornarat amictu,

Assyrio flauam pectine compta comam:

Lucidâq; inspecto dum consulit ora metallo,

Culta sibi famula sedulitate placens.

Cernit anbelantis post terga Cupidinis umbram,

Et placido oblatum suscipit orsa sinu.

VICIMVS? an tetricis cedit uictoria chartis,

Inq; laborantem languidus arcus hebet?

Amor &

Hymene:

cūt ad nu-

ptias.

Amor re-

dit.

Veneris &

ratio, III.

VICIA

Amoris o=VICIMVS, inquit Amor, partusq; ex hoste triūphus,
ratio. II. Obliquo stratum carmine stringit herum.

Et in ca Haud tamen ulla mihi maiori gloria nixu
sponsi con Constitit, in laudes ægrius acta meas,
tinentia. Quam ruae parthenij confectum pectus alumni,
Ad mea tam tardus miles is arma fuit.

Flexerat insolitam cædes Babilonica mentem,
Visaq; erat nostro succubuisse gregi:

Quum uisurus abit soliti tablina laboris,

Huc ubi librorum sedulo feruet opus:

Ianq; procellosis studiorum redditus un dis,

Spes propè frustratus luscrat ille meas:

Nicitò correptæ præmissis cuspidis ictu

Accelerassem initas anteuenire uias.

Saucius ergo datæ correptus amore Puellæ

Tardius optatos increpat ire dies:

Ipsa quoq; innocua quamuis mihi fixa sagitta,

Porrigit extensas uicta puella manus.

His ergo patratis, Comiti mox cætera mandans,

Letitiæ ueni nuntius ipse meæ.

Ergo pari thalamos indulge mater amarori,

Et duo concordia pectora iunge fide;

Dum flammis flammæ Hymenæus, Et ignibus ignes,

Adijcit, ardenti dans alimenta pyræ.

Veneres PLVRA loquuturum remouens auidissima Natum,

due. Pla= Splendida sydereo membra nitore leuat,

to,

Instru

Instructumq; egressa ardet conscendere currum,
Sed nec adornatum, nec quoq; praesto uidet.

Altera quippe Venus terreno degener ortu,
Aemula coelestes scanderat alta rotas.

Cui demens socio se iunxerat agmine turba,
Plurima uesanae nomina serua Deae,
Suspicio, Leuitas, Infamia, Rixa, Simultas,
Cura, Timor, Fastus, Luxuria, Ira, Dolor,
Dira Cupido, datisq; effraena Licentia loris,
Oblatisq; furcens caeca Libido dolis.

Iamq; fatigatos campo exagitabat olores,
Auersumq; uago calle tenebat iter.

Quum ueniens, stratam e summi uertigine plaustris,
Increpat irato sanctior ore Venus.

ILLUVIES Orci, sanies foedissima Terrae,
Simia non simili dedecorosa mihi.

Post, latura tibi conscense praemia rhedae
Venero, ab Ecchiacis pronuba facta toris.

A quibus ipsa, tibiq; tuaq; obscena cateruae,
Immundos iubeo continuisse pedes.

Si quid in his notum tentaris adorta pudorem,
Mox mihi Caesae praeda uolucris eris.

Quisquis ad oclusas abiectior excubat aedes,
Certus in his est se iuris habere nihil.

Nulla patere dies tibi ea haecenus ostia uidit,
Ergo uidebit idem nulla patere dies.

Veneris
oratio.

IIII. qua
illicita ab
hoc matre
monio ex-
cluditur.

cc

cc

Vtq;

Vtq; stet ætherno hæc sententia firma uigore,
Ecce tibi Stygiæ numina testor aque.

Veneris
currus.

SIC effata, uocans alios ad fræna iugales,
Picta capistratas sub iuga mittit aues.

Nanq; ubi cessissent fessi ad præsepia cygni,
Hisce columbini sufficiuntur equi.

Admotum ergo Venus saltu petit ardua currum,
Euectumq; deæ rite subitur onus.

Myrteus est axis, spirat xylobalsama temo,
Ac leuibus pallet buxæus ordo rotis:

Splendidus aurato feruet curuamine canthus,
In radiosq; iugis surgit amica larix:

Tortili in his nitida ex argenti uenula, & auri,
Imprimitur duplici linea ducta stria:

Hæcq; subillustrant asperse singula gemmæ,
Grandæq; concipiunt, parturiuntq; decus,

Andromedas, medus, chrysoprasus, iris, iaspis,
Vnio, sapphirus, sagda smaragdus, onix.

Veneris
comitatus. SIC IT, sic socias sibi iungit itura ministras,
Proposita Cypris concomitanda uia.

Namq; aliæ dextrum, properant, aliæq; sinistrum,
Exhibito Dominæ claudere honore latus.

Grata uerecundo fragrans Hagnæa decore,
Tinctaq; purpureas Sophrosyneæ genas:

Et grauis instabili moderans Carteria menti,
Inq; uicem iuncta Pistis honora manu:

Blanda

Blanda serenata candens Homonæa figura,
 Indulgensq; datis Endosis alta malis:
 At Charites, Veneris sinuata ueste receptæ,
 Ornandis texunt ferta futura comis:
 Fræna regit, læuamq; premens Amor ipse columbam,
 Ventilat elata quassa flagella manu.
TOTQ VE hoc exili (uisu mirabile) curru
 Idæa Monacum deuchit arte Deas.
 Quò se iam plenis & cætera Numina portis
 Ad iussa intulerant expedienda Iouis.
 Prima, coloratis pauonum inuicta quadrigis,
 Liquerat Icariam pronuba Iuno Samum:
 Mox & Parrhasij ueniens regina Lycei
 Ceruitraho appullerat plaustra citata iugo:
 His Pandionia digressam Pallada ab urbe,
 Sparsa salberosis iunxerat Isara aquis:
 Quas modo cincta sua assequitur. Venus aurea turba,
 Et confert socias uecta repente uias.
IAMQ VE ubi coniunctæ sponsalia tecta subissent,
 Rite utriusq; animos, resq; torumq; sacrant,
 Diuitijs Iuno, decimo regina Lycei
 Mense, pudicitia Pallas, amore Venus.
 Mox reliqua, inter se sortitæ, ad munia tendunt,
 Facturæ officium sedulo quæq; sum.
CONSCIA munifici diues Saturnia ritus,
 Munera quò sponsæ sumere pulchra solent.

Dij reli-
 qui ad has
 nuptias.

Sacratio
 sponsaliū.

Iuno per
 tabernas

C Que